

**სახელმწიფო შესყიდვების შესახებ
ხელშეკრულება N1006/02-21**

ქ. თბილისი

10 ივნისი 2021 წელი

ერთის მხრივ სსიპ საქართველოს კომუნიკაციების ეროვნული კომისია (შემდგომში „შემსყიდველი“) წარმოდგენილი მისი თავმჯდომარის კახი ბექაურის სახით და მეორეს მხრივ, შპს „სინტაქსი“ (შემდგომში „მიმწოდებელი“) წარმოდგენილი მისი დირექტორის სალომე მახარაძის სახით, სახელმწიფო შესყიდვების კანონის და პრეტენდენტის (მისი დასახელება) სატენდერო წინადადების საფუძველზე, NAT210008741 ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) -შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე, თუ სხვა მითითებას არ შეიცავს წინამდებარე ხელშეკრულება.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს მომსახურებას ხელშეკრულების ფარგლებში.
- 1.6. „მომსახურება“–ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „ტექნიკური დავალება“ – სატენდერო დოკუმენტაციის ტექნიკური დავალება, რომელიც დაერთვება ხელშეკრულებას, როგორც მისი განუყოფელი ნაწილი

2. ხელშეკრულების საგანი

- 2.1. ვიდეოკონფერენციის უზრუნველყოფის პროგრამული პაკეტის შესყიდვა (CPV 48515000).
- 2.2. შესყიდვის ობიექტის დეტალური აღწერა მოცემულია ტექნიკურ დავალებაში და მიმწოდებლის მიერ წარმოდგენილ დაზუსტებულ ფასების ცხრილში.

3. ხელშეკრულების ღირებულება

- 3.1. ხელშეკრულების ჯამური ღირებულება შეადგენს 17017 (ჩვიდმეტი ათას ჩვიდმეტი) ლარი. ერთეულის ფასები მოცემულია ფასების ცხრილში.
- 3.2. ხელშეკრულების ჯამური ღირებულება მოიცავს ხელშეკრულებით გათვალისწინებული მომსახურების შესრულებასთან დაკავშირებულ ყველა ხარჯს და საქართველოს კანონმდებლობით გათვალისწინებულ ყველა ხარჯს.

4. ანგარიშსწორების ფორმა და ვადები

- 4.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში
- 4.2. ანგარიშსწორების წესი: ყოველთვიურად, ფაქტიურად გააქტიურებული ლიცენზიების შესაბამისად.
- 4.3. ხელშეკრულებით გათვალისწინებული ანგარიშსწორება ხორციელდება შემსყიდველის საკუთარი სახსრებით.

5. მიღება-ჩაბარების წესი

- 5.1. მომსახურების განხორციელების შემდეგ, ყოველთვიურად, მიმწოდებელსა და შემსყიდველს შორის ფორმდება ფორმდება მიღება-ჩაბარების აქტი.
- 5.2. შემსყიდველის მხრიდან მიღება-ჩაბარების აქტის ხელმოწერაზე უფლებამოსილი პირია შემსყიდველის ინფორმაციული ტექნოლოგიების დეპარტამენტის ტექნიკური მხარდაჭერის სპეციალისტი ლაშა ვაშაკიძე.

6. მიწოდების პირობები

- 6.1. მომსახურების ადგილი : ინტერნეტსივრცე
- 6.2. შემსყიდველის მისამართია: ქ. თბილისი, ქ. წამებულის გამზ/ზოჭორმის ქ. 50/18;
- 6.3. შესყიდვის ობიექტი შემსყიდველს მიეწოდება ხელშეკრულების დადებიდან არაუგვიანეს 2021 წლის 13 ივნისისა.
- 6.4. ლიცენზიების ვადა: 7 თვე.

7. მხარეთა უფლება-მოვალეობანი

7.1. შემსყიდველი უფლებამოსილია:

ა) ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;

ბ) მომსახურების გაწევის დარსულებამდე გამოითხოვოს მიმწოდებლისაგან მისთვის საჭირო დოკუმენტაცია.

7.2. შემსყიდველი ვალდებულია:

უზრუნველყოს მიმწოდებლისთვის მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;

7.3. მიმწოდებელი უფლებამოსილია მოსთხოვოს შემსყიდველს მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

7.4. მიმწოდებელი ვალდებულია:

ა) გასწიოს მომსახურება სათანადო ხარისხითა და სრული მოცულობით;

ბ) უზრუნველყოს მომსახურების გაწევა ტექნიკური დავალების შესაბამისად;

8. ხელშეკრულებით ნაკისრი ვალდებულებების შესრულების ინსპექტირება

8.1. ხელშეკრულებით ნაკისრი ვალდებულებების შესრულების ინსპექტირებას განახორციელებს შემსყიდველის მიერ განსაზღვრული პირი.

8.2. ინსპექტირება გულისხმობს მიმწოდებლის მიერ ხელშეკრულების პირობების შესრულების, აგრეთვე გაწეული მომსახურების ხარისხის კონტროლს.

8.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

9. პირგასამტეხლო ხელშეკრულების პირობების შეუსრულებლობისათვის

9.1. ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეებს დაეკისრებათ პირგასამტეხლო ყოველ გადაგადაცილებულ დღეზე ხელშეკრულების საერთო ღირებულების 0,02%-ის ოდენობით.

9.2. მიმწოდებლის მიერ სახელშეკრულებო ვალდებულებების შეუსრულებლობის ან არაჯეროვანი შესრულების შემთხვევაში, მათ შორის ამ ხელშეკრულების 6.3. პუნქტით დადგენილი ვადის დარღვევის შემთხვევაში, შემსყიდველი უფლებამოსილია შეწყვიტოს ხელშეკრულება და მიმწოდებელს დააკისროს პირგასამტეხლო ხელშეკრულების საერთო ღირებულების 5% ოდენობით.

9.3. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

10. ხელშეკრულებაში ცვლილების შეტანა და ხელშეკრულების შეწყვეტა

10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხორციელდება საქართველოს კანონმდებლობით დადგენილი წესით.

10.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.5. მხარე ვალდებულია 10.4 პუნქტით გათვალისწინებულ გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით შეატყობინოს მეორე მხარეს.

10.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

11. დაუძლეველი ძალა

11.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

11.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ აცნობოს მეორე მხარეს მათი დადგომის ან/და დასრულების შესახებ.

11.3. დაუძლეველი ძალის მოქმედებისას, მხარეებს უფლება აქვთ შეწყვიტონ ხელშეკრულება ურთიერთშეთანხმებით.

11.4 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

12. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. ხელშეკრულების მოქმედების ვადა

ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2022 წლის 30 აპრილის ჩათვლით.

შემსყიდველის მხრიდან წინამდებარე ხელშეკრულებაზე ხელმოწერი პირი, ასევე ვადასტურებ, რომ წინამდებარე შესყიდვის განხორციელებისას არ ვიმყოფები ინტერესთან კონფლიქტში სახელმწიფო შესყიდვების შესახებ საქართველოს კანონის მე-8 მუხლის შესაბამისად.

შემსყიდველი

სსიპ საქართველოს კომუნიკაციების ეროვნული
კომისია

მისამართი: ქ. თბილისი, ქეთევან წამებულის

გამზირი/ბოჭორმის ქ. №50/18

საიდ. კოდი: 204953050

სს „თი ბი სი ბანკი“

ა/ა: GE11TB0600000000609326

მიმწოდებელი:

შპს „სინტაქსი“

მისამართი: ქ. თბილისი, ბელიაშვილის 106

ს/კ 405114790

ს/ს „თიბისი ბანკი“

ბანკის კოდი TBCBGE22

GE73TB7152036080100007

კახი ბექაური
თავმჯდომარე

სალომე მახარაძე
დირექტორი

ტექნიკური დავალება

მინიმალური ტექნიკური მახასიათებლები:

- პროგრამას უნდა გააჩნდეს YouTube-ზე ლაივ სტრიმების გაშვების საშუალება
- პროგრამას უნდა გააჩნდეს ვებინარის ფუნქცია
- პროგრამას უნდა გააჩნდეს შემდეგი ოპერაციული სისტემების მხარდაჭერა: Windows, MacOS, iOS და Android
- პროგრამას უნდა შეეძლოს ვებინარის/შეხვედრის მიმდინარეობისას გაგზავნილი შეტყობინებების შენახვა
- პროგრამა უნდა მუშაობდეს ღრუბლოვანი ტექნოლოგიებით
- პროგრამას უნდა ჰქონდეს დახურული ოთახების შექმნის შესაძლებლობა
- პროგრამას უნდა ჰქონდეს ჰოსტის/კო-ჰოსტის დელეგირების ფუნქციონალი როგორც სტანდარტულ შეხვედრებზე ასევე ვებინარზე
- ვებინარის მიმდინარეობისას ჰოსტს და კო-ჰოსტს ლაივ რეჟიმში უნდა შეეძლოს მომხმარებლის როლების ცვლილება.
- ვებინარის მიმდინარეობისას ჰოსტს და კო-ჰოსტს უნდა შეეძლოს პანელისტის სტატუსის მქონე მომხმარებლისთვის ვიდეოს და აუდიოს გამორთვის ფუნქციონალი
- პროგრამას უნდა ჰქონდეს ეკრანის გაზიარების ფუნქციონალი
- თითო ლიცენზირებულ მომხმარებელზე გათვალისწინებული უნდა იყოს 1GB ღრუბლოვანი სივრცე
- ღრუბლოვან საცავში მოთავსებული მასალა უნდა იყოს გაზიარებადი
- პროგრამას უნდა ჰქონდეს ვიდეო ზარის განხორციელების და მესიჯების გაგზავნის ფუნქციონალი
- პროგრამა სინქრონიზებადი უნდა იყოს Outlook-ის კალენდართან
- პროგრამას უნდა გააჩნდეს ვებინარის სარეგისტრაციო ბმულის შექმნის ფუნქციონალი
- პროგრამას უნდა გააჩნდეს ცენტრალიზებული ანგარიშების სამართავი პანელი
- მომხმარებლების შეხვედრების/ვებინარების ჩანაწერების ცენტრალიზებული სამართავი სივრცე
- პროგრამას უნდა ჰქონდეს როგორც უფასო, სტანდარტული მომხმარებლის ანგარიშის ტიპი ასევე ლიცენზირებული მომხმარებლის ანგარიშის ტიპი
- ლიცენზირებული მომხმარებლის ტიპის მიერ ჩანიშნული შეხვედრა შეუფერხებლად უნდა გრძელდებოდეს არანაკლებ 6 საათი
- პროგრამას უნდა ჰქონდეს კორპორატიული მეილებით მომხმარებლების რეგისტრაცია
- პროგრამას უნდა ჰქონდეს ვებინარის მიმდინარეობისას კორპორატიული ლოგოს დასმის შესაძლებლობა
- ვებინარის და შეხვედრების მიმდინარეობისას გაშვებული აუდიო/ვიდეო და გაზიარებული კონტენტის შიფრაცია
- ვებინარის მიმდინარეობისას პანელისტებს და დამსწრეებს უნდა ჰქონდეთ „ვირტუალური ხელის აწევის“ ფუნქციონალი
- ვებინარი გათვლილი უნდა იყოს არანაკლებ 100 მომხმარებელზე



03.06.21

შპს სინტაქსის დაზუსტება

საქართველოს კომუნიკაციების ეროვნული კომისიის სატენდერო კომისიის სხდომის ოქმი N2-ის პასუხად გთხოვთ იხილოთ შპს სინტაქსის დაზუსტება.

შპს სინტაქსის სატენდერო წინადადებაში მოცემული ვებინარის მომხმარებელთა ოდენობა შეადგენს 100 მომხმარებელს.

შესყიდვის ობიექტი	რაოდ.	ლიცენზიის მწარმოებელი ან/და სასაქონლო ნიშანი ლიცენზიის დასახელება	ღირებულება ერთი მომხმარებლისთვის ერთ თვეში	ჯამი	-
ბიზნეს პაკეტით მომსახურება 25 მომხმარებლისთვის	7 თვე	Zoom, Zoom Meetings BUSINESS	GEL 89.00	GEL 15,575.00	ჯამური ღირებულება 25 მომხმარებლისთვის 7 თვეში
Webinar მოდული 100 მომხმარებლისთვის	7 თვე	Zoom, Zoom Video Webinar	GEL 206.00	GEL 1,442.00	ჯამური ღირებულება ერთი მომხმარებლისთვის 7 თვეში
				GEL 17,017.00	

ზაზა ჯაველიძე

დირექტორი